

सत्वाणी

प्रकाशक :
दिव्या प्रकाशन
मुजानगढ (राजस्थान)

पोथी मिलणं री जग्या
थी जंप्रकाश सेठिया
३, मंगो लेन
कलकत्ता-७०० ००१

सगला इदकार लिखारं रा है ।

मोल : पचास रिपिया

छापणियो :
दि टेक्निक्ल एण्ड जनरल प्रेस
१७, क्रुकेड लेन,
कलकत्ता-७०० ०६६

दिवलै री लौ

आ 'सतवाणी' कोई सन्तान, अवधूतान री भादधोड़ी कोनी फेर भी में म्हारी इण पोथी रो नांव 'सतवाणी' दियो है। मनै टा है'क स्याणा भिनखां नै ओ नांव गमतो कोनी लागै इण उपरात भी ये इण पोथी नै घणै हेत स्युं पढसी इण रो मनै पूरो पतियारो है।

दिवलो सूरज री ठोड कोनी ले सर्क पण बो आप री लौ री नोक स्युं अंधेरै रं दुरभेद परकोट में एक नानू सो'क छेकलो जरूर कर सर्क है जफं स्युं ही घगत आयां सूरज भगवान बारं पधारसी'र आखी सिरटीं नै आप रो कंचन वरण जजास बाटसी।

मं ही म्हारै दीवट पर बंठो म्हारी निमली पडती दीठ स्युं जे बाँ आंत उजास री पंली किरण नै देख सक स्युं तो निज नै घणो बडभागी मान स्युं।

वसन्त पंचमी

विक्रम सं० २०४४

कन्हैयालाल सेठियार

मोती

सीपो

२५	घाट घाट भमतो फिरघो	नौ
२६	राखी मन री म्यान मे	"
२७	खिरं जबं मे ही रवं	"
२८	जड चेतण री उमर बण	दस
२९	तन नं मोडो कर ठगी	"
३०	सत सबद सिव नंण है	"
३१	सुवरण सुवरण ही रवं	ग्यारह
३२	अणु स्यू करं कुचेरणी	"
३३	जीव पावणो तू अठं	"
३४	कलम तीर मन बावरो	बारह
३५	तू भोला वन मे गयो	"
३६	निरयक पूजा सेवना	"
३७	चावं हूणो भय भुगत	तेरह
३८	आम नीम नेडा उग्या	"
३९	गगन थाल पुरस्यो समद	"
४०	दिन री धोली हासलो	चवदह
४१	बघायो भोला बगत स्यू	"
४२	गगन पून घर मे बसं	"
४३	तू जाण्यो पण कद करी	पदरं
४४	लियो नहीं जावं मतं	"
४५	फिरं भाखतो परवचन	"
४६	कर निनाण तिसणा नसं	सोल
४७	नहीं सबद बोलं भवू	"
४८	कोजो कादो राग री	"
४९	जद जद में मादो हुयो	सतरं
५०	उमर ढली अणचेत मे	"

५१.	समद सुख सूरज बुझं	...	सतरं
५२.	सबद सूर कापर सबद	.	अठारं
५३.	सबद बाँध दं जीव नं	.	"
५४.	नित पोचो करतो रवू	...	"
५५.	काल् कनोई, गगन री	.	उगणीस
५६.	बूद समद री मावडी	.	"
५७.	मन करतो हल जीमडी	.	"
५८.	बोणं पंली दोठ कर	.	बीस
५९.	जको निरंजण कद करं	.	"
६०.	रुघ्या न सुख दुख बो जको	.	"
६१.	काल् धोला वादला	..	इक्कीस
६२.	अकय साच नं कय सकं	.	"
६३.	रतन साय ले ज्वाण नं	..	"
६४.	नहीं सकं दिवलो भुला	...	बाईस
६५.	कद इंच्छपो तू जलम नं	...	"
६६.	फिरं फिरकली जद हुयं	..	"
६७.	बांस हुयं डीघा घणां	.	तेईस
६८.	काम हुयं धारं करघो	.	"
६९.	आंधो धुंऊं धिकार रो	...	"
७०.	देस, काल् नं देख पण	..	चौईस
७१.	बंठो काल् बिसायती	...	"
७२.	काल् द्याघ तंबू गगन	...	"
७३.	काज बीज चातर चुगं	..	पचीस
७४.	आंधी आई जद गया	...	"
७५.	जको रवं निज भाव में	...	"
७६.	काल्बेतियं बगत री	...	छाईस

मोती

सीपी

७७	गुण गिणती मे आ सर्क	द्यईस
७८	फुलडा आक गुलाब रा	"
७९	पोथ्या पढ पण तू मती	सताईस
८०	रचना बा जिण मे दिले	"
८१	पगा पडं गेला हुवं	"
८२	मजल बता पंली मनं	अठाईस
८३	आलं बंठी चिडकली	"
८४	नभ भाचो दिन सोडिया	"
८५	दीठ पागली जा परी	गुणतीस
८६	ल्यायो लाडी मन मरद	"
८७	भाण सिलगती थोपडी	"
८८	भाण मिरकली धोव सो	तीस
८९	पग धरती, सू डी अनल	"
९०	सत अरजण रो विसरजण	"
९१	बंठी बाई साच है	इकतीस
९२	ससतर बणग्या सासतर	"
९३	सूरज कद आर्थं उर्ग	"
९४	मन राजा इनरधा प्रजा	बतीस
९५	लफ भर बोई बीज मत	"
९६	चिणगारी सोनें जिसी	"
९७	सास जठं पूगं बठं	तेतीस
९८	बघण कवलं फूल रो	"
९९	अणसमतो मत तेवडी	"
१००	अणगिण रं नेडो गयो	चौतीस
१०१	विपद पड्या सागं रवं	"
१०२	श्रॉल अघेरं स्पू मिला	"

मोती

सीपी

१०३	हर सिरजण रं मूल मे	पैतीस
१०४	दोसं देतो हाथ र्यू	"
१०५	जतं भागसी राम रो	"
१०६	कोडी कण, मण रो करं	छतीस
१०७	इछं कोनी कीं जको	"
१०८	हीरा रा खाजा करचा	"
१०९	फिरं भागतो भूगडा	संतीस
११०	दोवट पर दिवलो चसं	"
१११	मोसं भिणियो साच रो	"
११२	माटो मा नारायणी	अडतीस
११३	जलमं शतपद कसलो	"
११४	अमी सरीसी मसि सरस	"
११५	गावं जिण रं गीत नं	गुणचालीस
११६	होता खोडा हिरणिया	"
११७	नीद मुद्दयं नंणा दिखं	"
११८	खिण रं लारं खिण गई	चालीस
११९	नंण मुडागं पय बो	"
१२०	कर ल छोणी नं कलम	"
१२१	एक बेजको जे हुवं	इगतालीस
१२२	पूग गाव रं गौरवें	"
१२३	पणिहारी, पाणी, घडो	"
१२४	मुगता चुगता हस नं	बयालीस
१२५	पोल ढकीजं बाबला	"
१२६	कता दरब के गुण धरम	"
१२७	इन्ध्या रो मछली चपल	तयालीस
१२८	तणो मून है रुख रो	"

माती

सोपी

१२६	गिण मत उण रा गासिया	तयांवीस
१३०	दोरो धिरती छूटणी	धमांवीस
१३१	दुरगम मोट भातरां	"
१३२	भाण बन कुण जा र्ख	"
१३३	पल इसडा जिण नं चर्ख	पतांवीस
१३४	दीठ घकी ब्या गमडागी	"
१३५	सिर्या न म ताता बही	"
१३६	उडपो वायर साय तिण	दियांवीस
१३७	गंरो जा चाय हुंघं	"
१३८	फिरा आगली परख तू	"
१३९	देख काच मे मोलियो	सतांवीस
१४०	दीठ गई पण नण रो	"
१४१	मोटा घणा मतीरिया	"
१४२	हर कोई नं पुरस मत	अडतांवीस
१४३	मुजा मती सिर सवद रो	,
१४४	चडा बसोटी पर मती	"
१४५	घडो, कूजीयो, भाटकी	गुनचास
१४६	जायक काचा सूत जद	"
१४७	बादल छटगया पण कठ	"
१४८	छोटी पोटी सवद रो	पचास
१४९	अतर तप लाग्या बिया	"
१५०	माली गोरो चनरमा	"
१५१	लिण लिण मे घट बंद हुव	इकावन
१५२	डूही बड रं बीज ज्यू	"
१५३	व्याल सहस फण बापडो	"
१५४	बीज अदेवल ला सक	बावन

	मोती		सीपी
१५५.	मसि गारो भाठा सबद	...	बावन
१५६.	बीज एक है पण उग्यां	..	"
१५७.	घाव दियो बरी करे	.	तरेपन
१५८.	पड़घो कुंम रं गुण गलं		"
१५९.	बिन्यां बीज निपजं इस्या	..	"
१६०.	दिन किण नं गोरु करं	.	चौपन
१६१.	जका अजोगा मिनख बं	.	"
१६२.	जियां भिट्पणं अणु रं हुवं		"
१६३.	सोधं सिस्टी मूल नं	.	पचपन
१६४.	करम बंध्या कद जीव रं	...	"
१६५.	सिस्टी नं बिंबित करं		"
१६६.	आडी रसना रं करी		छप्पन
१६७.	काढ फूस रं जीव नं	.	"
१६८.	बड़ काजल री कोटडी		"
१६९.	सबद अबं कर दे खमा	.	सतावन
१७०.	उच्छब रं रमझोल मे	.	"
१७१.	छयां न इन्छं रूख पण	..	"
१७२.	मिलसी जड़ नं अरथ जद	...	अठावन
१७३.	जीव नांव ठाकर बडो	.	"
१७४.	सबद तूंतडा बो'र क्यूं	..	"
१७५.	रीतो दिवलो सबद रो	...	गुणसठ
१७६.	झूठो साचो के हुवं	...	"
१७७.	जल स्यूं धरती नीतरी	...	"
१७८.	संसारी सम्बन्ध है	..	साठ
१७९.	बाजी सावण डोकरी	...	"
१८०.	एक एक तिण चुग चिड़ी	...	"

भोली

सीपी

१८१	कच्चाई कोनी मिटी	इकसठ
१८२	झोटा लेव नोंद रा	"
१८३	चितण रो गरो कुआ	"
१८४	निरजण रोही एकली	बासठ
१८५	कर विवेक रो छायालो	"
१८६	नहों राम र नाव स्यू	"
१८७	रावण रँ दस सीस हा	तेसठ
१८८	पलक फरक पलक मे	"
१८९	बडवानल घधक समद	"
१९०	उर्ग न हीरा वाकरा	चौसठ
१९१	रतन जडापा भुगट मे	"
१९२	काम भूल री दोठ स्यू	"
१९३	मत मोल्चोडं ग्यान र	पसठ
१९४	दूज चाद बरतं जिस्थो	"
१९५	किया ल्या'र मूरत घडो	,
१९६	पंली भीची किडकिडघा	छयासठ
१९७	आक घटा दे आक नं	"
१९८	कोनी सत रो सबद स्यू	,
१९९	तू सबदा री भीड कर	सडसठ
२००	गई महक उठ गगन मे	"
२०१	अगम नहों भव रो समद	"
२०२	बगत नहों धारं बल	अडसठ
२०३	लोक लाज स्यू डर भिनख	"
२०४	तू अनत रँ वासत	"
२०५	मत परकरमा कर बिरघ	गुणनतर
२०६	आर्ग सार चाससी	"

	मोती		सोपी
२०७.	मं'ल भूपड़ी है जिस्या	...	गुणनतर
२०८.	जता जीव सँ रा अलग	...	सतर
२०९.	रस नं कर नीरस लगा	...	"
२१०.	छोडें सोरें सांस कद	...	"
२११.	मन रं तारं जीव क्यूं	...	इगंतर
२१२.	कठं कठं कोनी गयो	...	"
२१३.	एक बुझाई सिलगयो	...	"
२१४.	मूढ़ किस्या दरसन ह्वं	...	बहतर
२१५.	बंधण मोटो राग रो	...	"
२१६.	जाबक सुरड़ी निसरगो	...	"
२१७.	घाणी रो नारो बण्घो	...	तिहतर
२१८.	उठा दोठ वेखूं जठं	...	"
२१९.	सहज उगं बणज्या फसल	...	"
२२०.	सिम्या जका बिछावणां	...	चौहतर
२२१.	परम पुरुष सर्वंग्य थी	...	"
२२२.	डुंगर मार्घ हिम चढघो	...	"
२२३.	घटं नहीं कोई अघट	...	पिचेतर
२२४.	करड़ावण कोनी सर्वं	...	"
२२५.	राम करघो संसै बियो	...	"
२२६.	हल स्यूं फाड़ै कालजो	...	छिनतर
२२७.	करं च्यानणो लाय पण	...	"
२२८.	तू जोड़घो प्रभु स्यूं हियो	...	"
२२९.	मोड़ो आवं रोज तू	...	संततर
२३०.	कांघं कामल जेठ में	...	"
२३१.	नांव जपण रं वासतं	...	"
२३२.	फूंक दियां दिवलो बुझघो	...	अठंतर

	मोती		सीपी
२३३	उईं पखेरू मोजला	.	अठतर
२३४	मोती मिनसी बो हुवं		"
२३५	वेती मत फिर ओलमो		जग्यासी
२३६	खेल मती सुकर्माचणी	..	"
२३७	बोधो जका न ग्यान नं	.	"
२३८	रवं फूत्त मे पालडघां	..	अस्ती
२३९	माया मिनलां स्पू बडी		"
२४०	गाव भलो समझें तनें	.	"
२४१	घाव एक सा पण करक	.	इबयासी
२४२	मती कनपना कर करो		"
२४३	म्हे डोवां पग कद फयं		"
२४४	सल, सीपटघा दं बगा		बयासी
२४५	के लेंगो के बेचणी		"
२४६	लेता सीदो हर जठं		"
२४७	आ'र पडघो मायं बजर		तयासी
२४८	तुलता मोती ताकडघा		"
२४९	सिस्टी स्पू दिस्टी बडी		"
२५०	फिरं पीवणः स्पापडा		चौरासी
२५१	धरम आचरण स्पू सधं		"
२५२	समधरमी है हिम-अगन		"
२५३	गगन एक कोनी, अलग		पिचासी
२५४	घादो स्पू चदो घडघो		"
२५५	सुई नहीं कीं काम री		"
२५६	बधसी बो ही आक मे		दियासी
२५७	मोटो छाटा ओसरघो		"
२५८	खोटो मत चिन्ती हुवं		"

२५६.	सौची नीर सनेव रो	...	सत्तासी
२६०.	तू मंगती दरपण ऋपण	...	"
२६१.	दरपण नं अरपण हुवं	...	"
२६२.	हत जांतां भेला करपा	...	इठयासी
२६३.	कलम हुई आगं पछे	..	"
२६४.	अणमय बो आवं जको	...	"
२६५.	लोक धरम आतम धरम	...	निवासी
२६६.	जलम मरण रं जाल स्युं	...	"
२६७.	फिरं भीड़ में सोधतो	...	"
२६८.	तू चाल्यो पग मांड कर	..	नद्वं
२६९.	छोले डील खराद पर	...	"
२७०.	मकड़ी ज्युं जालो गुंथे	...	"
२७१.	रामधणख रो सतलडो	...	इषयानवे
२७२.	अंध घासना उरवशी	...	"
२७३.	सूरज रं तप बल चढपो	...	"
२७४.	नंण कोटडी में बसे	...	घाणवे
२७५.	सहस धार अमरित झरे	...	"
२७६.	घुमा चकरियो घेग स्युं	...	"
२७७.	वगत वगत री बात है	...	तेणवे
२७८.	सावल सबड़ी राबड़ी	...	"
२७९.	घारे घर रं आंगण	...	"
२८०.	दीठ नहीं तो सबद है	...	घोणवे
२८१.	ऊयो जठे अगूण हे	...	"
२८२.	गाँठ खुल्यो लांबी हुवं	...	"
२८३.	गाँव जठे गेला बठे	...	पिच्याणवे
२८४.	अगन घधकतो न्यावडो	...	"

मीनी

तीसी

२८५.	जीवण बर निज मे भजत	...	विष्णुपाणव
२८६.	घात गगन भू आंगणो	...	दिनव
२८७.	धुषसी सरुढी एषली	...	"
२८८.	तप अघेरं मे दियो	...	"
२८९.	बिना पात्र जोगो हुया	...	सितपाणव
२९०.	चार्य करणी साधना	...	"
२९१.	चिणगारी कोनी सरु	...	"
२९२.	कोनी बी पल्लं पडं	...	इठपाणव
२९३.	ध्यान ध्यान रो मंत्र है	...	"
२९४.	पुरपाटप बो हो वरम	...	"
२९५.	गोरल धंधो समझ जे	...	निनाणव
२९६.	मोह मुगत मनबो हुय	...	"
२९७.	बजर मान नारेस रं	...	"
२९८.	निन्दा गुण ज्यायं चिपर	...	सी
२९९.	पोषा डोर्या ग्यान रा	..	"
३००.	मत इनरषा नं रोस तू	...	"
३०१.	भाव मूप रो पालकी	...	एक सी एक
३०२.	डाल पान मे उलस मत	...	"
३०३.	मन रो बांबी मे पड़घा	...	"
३०४.	तप करसी भेली हुसी	...	एक सी दो
३०५.	समद मच्छो जद नीसरपो	...	"
३०६.	जाबक काला कोयला	...	"
३०७.	नान्ही सी कीड़ी भरं	..	एक सी तीन
३०८.	छोडं कोनी ठोड पण	...	"
३०९.	आसी परणन नं तनं	...	"
३१०.	राम नहीं रावण नहीं	...	एक सी चार

मोती

सोपी

३११.	जाबक नान्ही कांकारी	...	एक सौ चार
३१२.	बडा हुवं बां नै नहों	...	"
३१३.	अपग हुवं सत कद मंडे	...	एक सौ पांच
३१४.	करं नहों ज्यूं रूप नै	...	"
३१५.	मुगती रो गेलो नहों	...	"
३१६.	बाय घाल लो सबद रं	...	एक सौ छह
३१७.	चार्य देणो साच पर	...	"
२१८.	ममता नै समता बणा	...	"
३१९.	घणो गहन आतम धरम	...	एक सौ सात
३२०.	हेला मारं मजल नै	...	"
३२१.	मुगती इच्छं जीव जे	...	"
३२२.	ममता त्यागं पण हुवं	...	एक सौ आठ
३२३.	हुवं न जिण रं हेत में	...	"
३२४.	नहों तूतई में घलं	...	"
३२५.	जुई नहों ज्यूं खंल स्यूं	...	एक सौ नौ
३२६.	हेम कांचली तावड़ी	...	"
३२७.	आडावल मार्यं मुगट	...	"
३२८.	मार्यं अंभ्वर मोलियो	...	एक सौ दस
३२९.	रवं कुअं रं मांय नै	...	"
३३०.	रात डावड़ी बगत रो	...	"
३३१.	देस नहों मरुदेस सो	...	एक सौ ग्यारह
	पांच महाव्रत	...	
	अहिंसा	...	एक सौ पंद्रह
	सत्य	...	एक सौ सोलह
	अपरिग्रह	...	एक सौ सतर
	अस्तेय	...	एक सौ अठार
	ब्रह्मचर्य	...	एक सौ उगनीस

अतेवासी
गोपालकृष्णजी शास्त्री
रामनिवास ढढारिया
नें

१

हुवे न सत् री परपरा
सत असत री बोध,
पीढी चाल अस्त री
तत नै समझ अबोध !

२

रयो हुवे निज री घणी
कथां नै परणपो पीव ?
नीद बेच कपू ओभको
लीन्पो भोला जीव ?

३

भेल घरघा टोल रलया
नाक धलेली नाय,
चावे जे साहयात तो
दण कर रही अनाय,

४

दीठ हृयां सत भाससी
निरयक भेल उफाण,
आंधं नै कोनी विसै
घरघो हयेली भाण !

५

नहीं भेल मे दीठ मे
संतपण रो वास,
बिन्या हूया समदीठ सो
कात्यो पिन्यो कपास !

६

घित गत रो समतोल है
ओ दिखतो ससार,
हूता पाण अतोल के
खिडता लागै बार ?

७

मोटो समझें आप नें
जै तू धन रें पाण !
घारो चेतण बापड़ो
जड़ता तार पिछ्छाण,

८

घड़ी समझ जिण नें कसो
पूंचें पर मोटघार,
सजड़ हयकड़ी काल री
कंदो बण्णो लग्या' र !

९

कुदरत पालुं बीज नें
फल रो चोटं खोलुं,
मिनल खोलुं नें मोल लं
फंके तत अनमोल,

१०

सबद चलू कोनी सकै
असबद समद अलूच,
कागद रो घट भर थकी
कलम चिडी रो चूच,

११

स्याही, कागद, कलम जड
आखर है निष्प्राण,
सबद जलमसी जद हुसी
सवेदनमय प्राण,

१२

जकी चेतना जीव मे
वीं रो कोनी आद,
मुगत हूर परमाद रूचू
कर अणभूत अनाद,

१३

पड़सी पाद्यो खेत मे
ज्यासी किस्घो पिसीज ?
सकं जाण इण तिलत नं
न करसो न घोज !

१४

कालं मालां री रयण
दिन रा धवला केस,
जद घर भायं कामणी
घणी जाय परदेस !

१५

सूरज कद आंयं उगं
न्यारी न्यारी ठौड ?
ओ तो मन रो बेत है
किया नंण दं छोड !

१६

बरस्यो धारोधार पण
लियो बेकलू घोस,
ओला भाज्या ठोफरां
जद जल हुयो सदोष,

१७

काल नहीं टूटै जकी
टूटै बा है बीठ,
फाला घोला रात दिन
नेण विहण रो बीठ,

१८

तिरवालो घी तेल रो
दोन्यू एक समान,
नहीं भाल पण नाक स्पू
बां रो हुवै निदान,

१६

जका सूर रँ वंस रा
सकसी भेत उजास,
घमचेडां ऊंबी लटक
तम में करसी यास,

२०

जाऊं जाऊं मन करे
जाणो अंजल घीन,
जास्थूँ जिण त्रिण अणलसी
जामण मनं जमीन,

२१

चिणियो आंगल नीव पर
ओ दस लंडो मैल,
सूतो तू क्यूं जीवडा
मांय ह्योडो पैल ?

२२

खुली छोड़ मत आंख नें
रहती फिरसी दीठ,
जड़ तू पलक किवाडिया
मुरत बावड़ी नोठ,

२३

रमै रमतिया सोंस रो
पण अणदीठी डोर,
रमत खिडं जद ठा पड़ं
रमतो कोई और !

२४

भुल दुल करमां तार है
मन निरवाली राख,
रसना स्पूं गुड़ लूण नें
सममावी बण चाल,

२५

घाट घाट भमतो फिरघो
रोतो घड़लो लें'र,
थाक्यो जद निज बाबड़ी
चेनें आई फेर,

२६

राखी मन रो म्यान मे
तित्तणा रो तरवार,
जे कर बी नागी बडे
बावणिये नें मार,

२७

खिरं जकं मे ही रवं
बो है जको असेस,
विरिया ह्वं विसेत पण
कारण है अविसेस,

२८

जड चेतण री उमर बण
हूण लागज्या लार,
काल बापड़ो के करूं
बिना उमर गिगतार !

२९

तन नै मोडो कर ठगो
तू मत निज नै जीव,
भन मोडो कर खोलसी
ढकियो मोड़ो पीव,

३०

संत सबद सिव नैण है
छट दाभ दे काम,
धणख बाय रं रोग री
भीखध तातो डाम,

३१

मुयरण मुयरण ही रवे
नहीं पटीजे अग,
सोट ह्ये जिण दरव में
रंग हुसी बदरंग,

३२

अणु रूप करे कुचेरणी
मन में बण करतार,
सागं आयो भायरो
लोप हुसी समार,

३३

जीव पावणों तू अठे
बयां रो करे धिणाप ?
मारग री खरची हुसी
थारा ही पुन पाप,

३४

कलम तोर मन बावरी
सबद हिरण रँ लार,
भाजँ बिल स्थूँ निकलसी
काल सरप फुकार,

३५

तू भोला वन मे गयो
घर मे मन नै मे'ल,
वन बणगयो घर जीवड़ा
जबर करी असकेल ।

३६

निरसक पूजा सेवना
काई फूकँ सख ?
खिण खिण मन रँ गगत मे
उडँ वासना खख,

३७

घायें हूणो भय मुगत
मत फिर बूजां सार,
जा तू घारी सरण में
असरण ओ संसार,

३८

आम नीम नेड़ा उग्या
निज निज रा गुण दोष,
आलु नहीं देवे इत्यो
मिले कठं पाड़ोत ?

३९

गगन चालु पुरस्स्यो समद
बादलु लोच सिमा'र,
भाण घिलोड़ी पून दी
उंघा भरुं घी धार,

४०

दिन रो धोलो हासलो
कोयल काली रात
गगन पौजरो काल ले
फिरं न आवै हाय !

४१

बघण्यो भोला बगत रघू
सघसी किया अकाल ?
चाकर नै ठाकर करणो
इण रा हेला भाल,

४२

गगन पून घर मे बसै
नित उठ आवै भाण,
लूठा लारै क्यू फिरं
फेर हुघोडो ढाण ?

तू जाण्यो पण कद करी
यो थारं स्पू जाण ?
दोग्या पानी स्पू हुयें
बीं रो नांव पिछाण,

४४

त्वियो नहीं जावें मतें
आर्यं यो सन्यास,
ओ तो मन रो भाव ज्यू
घडें माय आकास,

४५

फिरें भासतो परवचन
मुणें न निज रा कान,
भाखें जिण नें आचरें
बीं रा वचन प्रमाण,

४६

कर निनाण तिसणा नसं
हुवै साव निरबीज,
जणा रुख सतोस रो
फल देसी गदरीज,

४७

नहीं सबद बोलै भवू
गूगै भवू न बोलै,
नेण नहीं बीं रै भवू
के हीरो अनमोल ।

४८

कोजो फादो राग रो
पग पग तिसलै जीव,
छाई नाख अराण रो
मितसो सुखया सोव,

४६

जद जद में मांडो हुयो
बरपो सबद नं चीत,
हणयत वण सजीवणी
त्यायो पाली प्रीत,

५०

उमर डलो अणघेत मे
बुभी नंण रो बोठ,
पण लौ जागो सबद री,
दिल्लायो मनं अदीठ,

५१

समद मूल सूरज बुभं
डिगं हिमाली धूज,
परलं पंती धून यम
मरसी जीव अमूँझ,

५२

सबद सूर कायर सबद
सबद मूढ, मतिमान,
सबद भेद अभेद है
सबद भगत भगवान,

५३

सबद बाध दें जीव नै
सबद खोल दें फन्द,
विष अमरित साधें जिंया
सबद इत्यो है छंद,

५४

नित घोचो करतो रवूं
पर है सबद उदार,
निज रैं भायं पर धरें
म्हारो भार उतार,

५५

काल बनोई, गगत री
भट्टी, ई घण भाण,
रात कडाहीं मे तल
तारा रा पववान

५६

बूद समद री भावडो
चाप बडो गिगनार,
मुसरो हिमगिरि घण धरा
नदपा दापजो सार,

५७

मन करसो, हल जीमडी
खेत कान उगियार,
खारा मीठा फल हुब
घचन बीज रं सार,

५८

बोण पैली दीठ कर
बीज कोरडू टाल,
पछे रेत री कूख नै
देतो फिरसी आल,

५९

जको निरजण कद करे
सिरजण री बेगार ?
सिरजण करसी बो हुवै
जिण नै कीं दरकार ?

६०

रक्या न सुख दुख बो जको
प्रभु सत चित आनन्द,
जता दुंद बै जीव रं
निज करमा रा फन्द,

६१

पाता धोला बाबला
ढकं जिया गिनार,
बधं इया पुन पाप स्यू
आतम तत अधिकार,

६२

अपय साच नै कय सकं
रला सवद री भूठ,
बाईजं तरवार फद
बिग्या लगामा मूठ ?

६३

रतन साय ले ज्याण नै
मेत्या युगची बाध,
ओ ही समज्या तो घणो
कयो बेजिया काध,

६४

नहीं सकं दियलो भुला
तम थारो उपगार,
थारं कारण नेह दे
मतलदियो ससार,

६५

कद इच्छयो तू जलम नै
इच्छै कद तू मीत ?
तू परबस गलवाद कर
मत कर छोडै पोत

६६

फिरं फिरकली जद हुवं
चिमठी मे शौं साच,
शूठ नहीं गत दे सकं,
ल तू परतल जाच,

६७

यास हृयं डीपा घणां
पण मोया के सार ?
मुलसी हृयं यिलाग री
मांदां री उपचार,

६८

काम हृयं पारे करघो
ओ हे पूड विचार,
धत्ता अलल सागं जुडं
जणां पडं बो पार,

६९

आधो धुऊ विकार री
दीठ ज्यायली चूफ,
चेता धुमती चेतणा
दं विवेक री फूफ,

७०

देस, काल नै देख पण
आ लै निसचै जाण,
सत रं मारग जा सकै
नहौ असत रं पाण,

७१

बंटो काल बिसापती
जीव रमतिया लै'र,
पेई मे धरती पडघा
सिइया, ढकणो वे'र,

७२

काल व्याध तबू गगन
गाडघा धरती खूट,
कुतिया दो दिन रात रा
जीव सकै कद छूट ?

७३

बाज बीज घातर घुगे
दे फचरे ने टाल,
हिचरे बाडण घासते
मूढ बाल री खाल,

७४

भाघी भाई जद गया
रावलिपा रलकीज,
बिपद पडधा रहणी कठण
भेलप, घोज पतीज,

७५

जको रवे निज भाव मे
बो ही सहज समाय,
पित प्रग नर जाणे नहीं
काई हुये अभाव ?

७६

कालबेलियं बगत री
पूंगी सो ओ भाण,
निकल अंबर विवर स्थूं
तम फणघर सुण तान,

७७

गुण गिणती में आ सकें
औगण गिण्या न जाय,
कुण तिराक खारो समद
तिरणं सकें बत्ताय ?

७८

फुलड़ा आक गुलाब रा
मोमाखी रस ले'र,
मधु सिरजे तू रच बियां
रचना निज पुट दे'र,

७६

पोम्पों पढ़ पण तू मती
तेई अक्ल उधार,
पुसट करी यों ताद स्पू
निज रा घीज-विचार,

८०

रचना या जिण मे दिले
सिरजणिये री बोठ,
नहीं'स बोभो सबव री
सद मत बागद पीठ,

८१

पगां पडे गेला हृषे
जे मजिल री ग्यान,
नहीं'स मारग बापडा
सुरदास रा बाण,

८२

मजल बता पंसी मनं
जब वेस्पूं में दीठ,
मजल नहीं कोई जणां
तू अवघूत वसीठ,

८३

आलं बंठी चिडकली
दीठ गई गिगनार,
निरविकार दीह्यो जणां
उडगी पांख पसार,

८४

नम माचो दिन सोडियो
कामल काली रात,
सोर्ण रो मिस कर करे
काल जीव री घात,

८५

झोठ पांगली जा परो
जठे दिसें भल-भोग,
बचसो घिर भा अचपली
जे मन सार्धं जोग,

८६

त्यायो साडो मन भरव
नलराली घुघ नार,
जाया मुल दुल गुत हस्या
नित री गोघम त्यार,

८७

भाण सिलगती धेपडी
खिंडगी बुझती वार,
राख रात ऊपर पङ्घा
नखत सजल अंगार,

८८

भाण मिरकली घीय सो
दिन आटं रो खीर,
भरघो गगन रो बाटको
काल निवेडें पीर,

८९

पग घरती, सूडी अनल
नाक पून, चल नीर,
मन अम्बर, तत पाच रो
टपरी नाव सरीर,

९०

सत अरजण रो विसरजण
सा रें बूध समान,
दान नही ओ विष वमन
अरजित कुकरम पाण,

६१

बंटी भाई साच है
कीड़ी री सी घाल,
झूठ ऊंठ सा डग भरै
पूगण में के ताल ?

६२

सासतर यणग्या सासतर
सबद बुंद रो बीज,
जड़ स्पूं बंधगी चेतणा
मिनल गयो भरमीज,

६३

सूरज षद धार्थ उगै
भरमीज्योड़ा नंण,
इक्लंग तापै गगन मे
बौ री छाया रंण,

६४

मन राजा इनरघा प्रजा
राखें धणी धिणाप
घणी सताया बापडघा
देसी उत्तर धाप,

६५

लफ भर बोई बीज मत
साग एकण ठोड,
बा भलप के काम री
जुड ज्या जिण स्पू गोड ?

६६

चिणगारी सोनं जिसी
भगन पुरप रो बीज,
परस ह्यो बाती गई
भोलं मे गरभोज

६७

साँस जटं पूर्ण बटं
मते पुस्य रो गंध,
के हूंतो हूतो इयां
मूलं घुमन निरगन्ध ?

६८

बंधन कवलं पृस रो
सये न बी रो गंध,
इच्छपा आ हर जीव रो
रहं सदा निरगन्ध,

६९

अणसमतो मत तेवडी
सामी समतो वाम,
दियलो राखी रात नै
नान्ही लो पर धाम,

१००

अणगिण रँ नेडो गयो
मे गिणती रँ पाण,
अत मिलायो अणत रू
गिणती रो अंसाण,

१०१

विपद पड्या सागं रवं
इस्या कठं हे सेंण ?
सिद्ध्या पडता मींचसी
पथी मारग नंण,

१०२

आख अधेरं रू मिला
मत सूरज नं देख,
नागं सत रं तेज नं
सहणो कठण चनेक,

१०३

हर सिरजण रं मूल मे
बैठी मोटी पीड,
गीत बणं जद कालजं
मोटो उठे हयीइ,

१०४

दीसं धेतो हाय स्पूँ
लेतो कोई हाय,
किण रा देणा पावणा
आ जाणं जगनाय ?

१०५

जतं भागती राम री
दीठ कनक अग लार,
रावण हरसी जानकी
लांघ लिछमणी कार,

१०६

कीड़ी कण, मण रो करे
हार्यो आप जुगाड़,
मगतो बण मोटा मिनल
मती माजनी पाड,

१०७

इंछे कोनी कीं जको
दान भूलज्या दे'र,
इस्यै मिनल रं सामनें
मंगतो साव कुबेर,

१०८

हीरां रा खाजा करघा
गज मोरियां री खीर,
सुखो टुकड़ो चांबतो
भूलो गयो फकीर,

१०६

फिरं भांगली भूंगडा
ओढ़पां रेसम शाल,
समझी तू अवधूत यो
बोली बचन संभाल,

११०

दीघट पर दिवलो चसै
बारं गयो उजास,
इयां मुजस, सौरम, कुजस
घर में करं न बास,

१११

भोसं मिणियों साव रो
पोवं साव अलूण,
कीड़ीनगरं नै जका
पालं लेज्या चून,

११२

माटी मा नारायणी
माटी बिरम महेश,
माटी रिध सिध गोरजा
माटी देव गणेश,

११३

जलमै शतपद कंसल्लो
हायी रै पग च्यार,
सरप अपग संसार री
लीला री कै पार ?

११४

अमो सरीसो मत्ति सरस
कलम मती नस नाख,
असबद नेइो सबद री
जोत जीवती राख,

११५

गावें जिण रं गीत नै
अणपठ कंठां धार,
कालजयी बो कलम स्पूं
दियो काल नं मार,

११६

हंता खोडा हिरणियां
मुणतां पाण दकाल,
बां रो मिणियो मोसग्यो
दिन बोपारां काल,

११७

नीद मूंदघे नैणां दिलें
जघूं मन रा जंजाल,
भासै अंतर बीठ नं
भव रा तीन्वूं काल,

११८

खिण रं लारं खिण गई
खिण आगं खिण फेर,
गई जकी नं भूलज्या
आवं जकी अवेर,

११९

नंण मुंडागं पथ वो
चाल्या लखसी पोठ,
वीठ पोठ दोन्धू दिहया
मिलसी मन रो ईठ,

१२०

कर लं छोणी नं कलम
उन्डा सबद उफेर,
निमली लिखत भुजाणसी
काल आगली फेर,

१२१

एक बेजको जे ह्वं
कपडो बाजं पूर,
पण आभं रा छेक्ता
बण्या घनरमा मूर,

१२२

पूग गाँव रं मोरवं
गेलो देई छोड,
बो गेलं भगतो रया
कोनो पूगं ठोड,

१२३

पणिहारी, पाणी, घडो
मिलग्यो सगलो मेल,
फकत इंडुणी रं बिन्या
खिडियो मंडियो खेल,

१२४

मुगता चुगता हंस नं
किण दिन देहयो दीठ ?
बिरय तरक, कंबत हुवं
निज मे आप भदीठ,

१२५

पोल ढकीजं बावला
कद ढकिया स्थूं पोल ?
नहीं खोलसी पोल जे
खुलसी यारी पोल,

१२६

कता दरब के गुण धरम
मन री जाण पिछाण,
पुतली रं परदे परा
काटा फूल समान,

१२७

इंनदधा रो मछली चपल
गुदलार्य मन नीर,
देख दापल दीठ रो
बुगलो बंठपो तीर,

१२८

तणो मून है रुंख रो
पण पत्ता याचाल,
भाज्या पड़ पतझड़ निरख
सागी बतीक ताल ?

१२९

गिण मत उण रा गासिया
जिण नै ल्याघो नूंत,
आडे हाथां पुरस जे
चावं थारी कूंत,

१३०

दोरी बिरती छूटणी
बदल सकं है रूप,
तिरघो बनक रो समद पण
पडघो सबद रं रूप,

१३१

दुरगम मोटं भाखरा
बसै एकलो ना'र,
रवं एक बिल ऊदरा
डरता टोलु बणा'र,

१३२

भाण कनं कुण जा सकै
घघकं अगन अपार,
लियाँ हयेली सापड़त
सत रं बल गिगनार,

१३३

फल इसड़ा जिण नं चलै
कदेन बां रा बीज !
अनासगत यण तू इस्पो
परतल देख पतीज,

१३४

दीठ थकी बा समभगी
निरयक जाण पिद्दाण,
पण तिसणां कद स्नेण दे
पलकां नं औसाण ?

१३५

लिह्या न मं खाता बही
करधा न बाकी जोड़,
घाल्योड़ो गेलो कलम
म्हारी घाली छोड,

१३६

उडघो वापरें साथ तिण
सागो समझ अबूझ,
पडघो अगन मे पून नें
लेतो पैली बूझ,

१३७

गंरो जा चावं हुव
पींदें स्पू साह्यात,
निज मे देसी जल धुआ
फादं भरिया हाय,

१३८

फिरा आगली परख तू
किसी क तीखी धार ?
हुव सुहागण रगत रें
छाटा स्पू तरवार,

१३६

देख षाच मे भोलियो
बाँध पेच सुवार,
टोकण आई खिण गई
हती देख उवार,

१४०

दोठ गई पण नंग रो
खोखो साबत हाल,
उडघो पखेरु पण रया
आली तरवर डाल,

१४१

मोटा घणा मतीरिया
जाबब माडो बेल,
चिप जामण रूचू बापडी
सकी कूल न भेल,

१४२

हर कोई नं पुरत मत
मती करी मनवार,
अपच हुया बणसी गरल
अमरित गरिठ विचार,

१४३

सुजा मती सिर सबद रो
जता अणूतो लाड,
चेतण ओ बणज्या नहीं
चेत गल रो हाड,

१४४

चडा कसोटी पर मती
ज्यासी सुवरण छीज,
इया अतस्याणो व्रपण
गाहक गयो ठगीज,

१४५

घड़ो, कूजीयो, माटको
माटी रा आकार,
बीसं उंढी दोट नै
माटी आप कुमार,

१४६

जाबक काचा सूत जद
सागं गया बंटीज,
मारकणो गोघो गयो
बां स्पूं ही नायीज,

१४७

यादलु छंटेग्या पण कठं
जायं ओ गिगनार ?
कीं कोनी बीं रो सकं
कुण सांघट विसतार ?

१४८

छोटी पोटी सबद री
किया समावं साच ?
दोसं रूप, अरूप नं
दिखा सकं कव काच ?

१४९

अतर तप लाग्या बिन्या
काचो भाडो ग्यात,
चिनीक तिसणा काकरी
देवं लिडा मडाण,

१५०

माली गोरो चनरमा
सींची बाडी रात,
नखत पुसब कुचल्या खुरा
बड गोधो परमात,

१५१

लिण लिण मे घट बढ हूयं
बदल भाय विचार,
बोझी सी लिण रू बध्या
भव गज बली अपार,

१५२

दूहो बड रं बीज ऊषू
राई रं आकार,
योवं अतर दीठ मे
उग पूरं गिगनार,

१५३

ब्याल सहसपण बापडो
नारायण री सेज,
काल डसं जिण मे हूवं
रस इनरघा रा वेज,

१५४

बीज अदेवल खा सकें
उप्यां जिनावर तार,
मन स्यू कर सा कल्पना
मत पुरपारथ हार,

१५५

मसि गारो भाठा सबद
कागद धरती मान,
उठा कलम-करणी विण्घो
कविता रो अस्थान,

१५६

बीज एक है पण उग्या
ज्यासी पड फटवाड,
आ चिंता कर बीज रो
मत तू भविस विगाड,

१५७

घाय दियो घेंरो करे
पाछो बगन भराय,
बरे बगत नै निरदई
नुगरो मिनल सभाय,

१५८

पडघा बुझ रे गुण गर्ल
जणा पतीजी भूण,
ग्यान-नोर ह्या बर सक
तिरपत जीया-जूण,

१५९

चिन्या बीज निपजे इस्या
बेई हे फल फूल,
गरभ धारा स्यू टाल हे
बा नै अमरित मूल,

१६०

दिन किण नं गोरो करं
किण नं फालो रात ?
घोला काला करम है
जका मिनख रं हाय,

१६१

जका अजोगा मिनख बे
दे हूणी नं आल,
निज रं अकरम वासतं
आ ही लाघं ढाल,

१६२

जियां भिदघां अणु रं हुवं
बारं घोर निनाद,
बियां चेतणा भिद जगं
अंतर अनहद नाद,

सोधं सिस्टी मूल नं
 जकी साव निरमूल,
 कोनी लाघं बीज तू
 कांदो छोल समूल !

१६४

करम बंध्या कद जीव रं
 तरक उठावें बात,
 सहज पडूतर फनक रं
 जद स्पूं माटी साय,

१६५

सिस्टी नं विविंत करं
 मन रो काच विचार,
 निरविचार, जे मन हुवं
 भासं कद संसार ?

१६६

आडी रसना रँ करो
दात होठ री पाल,
जे उलांघ चारँ ह्रुवँ
बोली बचन संभाल,

१६७

काढ फूल रँ जीव नं
अंतर दीन्धो नाम,
अतरजामी कद खमं
देखँ आठों याम ?

१६८

बड़ काजल री कोटड़ी
रयो जफो अणदाग,
नर देही में सापड़त
जलम्यो आप बिराग,

१६६

रावद अर्बं फार दं तिमि
जा तू थारी ठौर,
थारं अणहद हेत स्पू
में पीडीजू ओर,

१७०

उच्छ्रव रं रमभोल मे
दूटघो मुगता हार,
मुगत हूर नाची मिण्या
सुवं राजदरबार,

१७१

छयां न इन्है रूख पण
सूरज रो सजोग,
इया बध्यो मुम करम रं
तारं पुन रो जोग,

१७२

मिलसी जड नँ अरथ जद
जुडसी चेतण सास,
बण्घो किसन रो बसरी
निरयक थोथो बास,

१७३

जीव नाव ठाकर बडो
देह दुरग मे वास,
चाकर पाच रुलेडमन
मरजीदान खवास,

१७४

सबद तूतडा बो'र ब्यू
रुधं कागद खेत ?
अं जाबक निरजीव है
आ नँ गिटसी रेत,

१७५

रोतो दिवली सबद रो
नहों भाव रो नेह,
बिन्द्या दीठ-तूली कियां
जगमग करसी गेह ?

१७६

झूठो साचो के हुयं
धरम धरम है मूढ,
नहीं बितेसण मुणन मे
आयो साची झूठ,

१७७

जलू स्पूं धरती नीसरी
अनलू परगटघो नीर,
नारायण रो सासरो
जलू लिछमी रो पो'र,

१७८

संसारी समबन्ध है
भीषा पुन समान,
वर्ण किराणो केवट्या
नहीं'स कचरं मान,

१७९

बाजो सावण डोकरो
किया जलमता पाण ?
खिण मे बचपन जोवनो
जरा भोग ली लाण,

१८०

एक एक तिण चुग चिडी
लीन्घो आली घाल,
बा छोटी पण नित बडी
सागो कती'क ताल ?

१८१

कच्चाई कोनी मिटी
भत कर घडा गुमान,
किसी ठेस को ठा करै
तने ठीकरै मान ?

१८२

झोटा लेवै नौद रा
थोडी ताल बिलो'र,
काढघो चावै चूटियो
दे झोटा संजोर !

१८३

चितण रो गैरो कुओ
लियो अलूच कबीर,
'सतवाणी' स्यू खोल दी
फेर हश्घोडी सीर,

१८४

निरजण रोही एकली
बंठी गई अमूझ,
करी कमेडी गटर गू
आमे पूगी गूँज,

१८५

कर विवेक रो छायतो
भन रा फटक विचार,
उडसी निरथक तूंतडा
रहसी दाणा तार,

१८६

नहीं राम रै नाव स्यू
कम रावण रो नाव,
रामपुरा कोई नहीं
पण रावणपुर गाव,

१८७

रावण रं दस सीस हा
आ कोरी गलवाद,
कुबधी रो परयाय बण
गयो लोक परवाद,

१८८

पलक फरुकं पलक मे
के ठा कती'क वार ?
मूगी सासा कुण गिणं
गिणं टका ससार,

१८९

बडवानलु घघकं समद
दावानलु कातार,
रामानलु सिलगं बलु
ओ आखो ससार,

१६०

उगं न हीरा कांकरा
उगती घो ही बीज,
लल माटी री पीड़ नं
ज्यासी जको पसीज,

१६१

रतन जड़ाया मुगट मे
चुग चुग घणां अमोल,
जड़ियो ली बुध-मिण चुरा
चूकी दीठ उफोल,

१६२

काम भूल री दीठ स्थूं
मिनल डांगरो एक,
पण पिसतावं मिनल जद
जागं हिर्य विवेक,

१६३

मत मोल्पोई ग्यान रै
हियो अडाणं राख,
यारी बुध री मिण ठकै
क्यू तू गोबर नाख,

१६४

दूज चाद वरतं जिस्पो
पाटी वाली रात,
बारखडी तारा बगत
लिखं भुजाणं प्रात,

१६५

किया ल्या'र मूरत घडी
इस्पो बजर पापाण ?
इण री हियो पसीजसी
कद दुख जग री जाण ?

१६६

पंली भौंकी किडकिडघा
पछे भौंचली जाड,
में समझपो ओ काकरो
लाग्यो पछे पहाड,

१६७

आक घटा दे आक नं
आंक आक नं जोड,
कोनी कीं घट बढ हुवं
रंसी आखर ठोड,

१६८

कोनी सत रो सबद रघू
समथरमी समबन्ध,
सत रो भासा मून है
जिया फूल रो गध,

१६६

तू सबदा री भीड कर
जग्घा न राखी सेस,
कोरो कागद भाखतो
घारो गूढ सनेस,

२००

गई महक उठ गगन मे
छमक्यो जणा बघार,
करम चीकणा खय ह्या
खुल्यो मुगत री द्वार,

२०१

अगम नहीं भव री समद
पण तँ पंली जाण,
नाख पोदली दरब री
तिरसी तूबा पाण,

२०२

बगत नहीं धारं बत्सू
कर लं नीची नाड़,
बगत फिरघां बण कांकरो
पगां पड़ंतो पा'ड़,

२०३

लोक लाज स्यू डर मिनख
करं नहीं जे पाप,
पराधीन बं बापडा
ज्यू कील्योड़ा स्याप,

२०४

तू अनन्त रं वासतं
भोल्या जाप करोड़,
अणगिण स्यूं मिलणो हुवं
भिणियां गिणना छोड,

२०५

मत परकरमा कर बिरथ
बंठो रह इण ठोड,
दीठ राख मिलसी तने
यो कोनी रू तोड !

२०६

आगं लारं चालसी
पग दोन्धू ओ नेम,
करपा ईसको गत कठं
फेर कुसल के खेम ?

२०७

सं'ल झूपडो है जित्या
बिस्थो सहज धनवास,
देह नहीं पर दीठ मे
धित प्रग करं निवास,

२०८

जता जीव सं रा अलग
करमा साखु दुद,
निज री कूची स्पू खुलें
अतर तालो बन्द,

२०९

रस नै कर नीरस लगा
आतम तप री आच,
इया ग्यान गाढो हुया
बरत पलैला पाच,

२१०

छोडें सोरें सांस कद
लागयो तिसणा भूत ?
कर ठुकतरी सातरी
काढ ग्यान री जूत,

२११

मन रें लारें जीव क्युं
खांतो फिरं भचीड़ ?
चार्यं मिलणो साच स्युं
काढ आंख स्युं भीड़,

२१२

कठं कठं कोनी गयो
ओ सरमंगो जीव ?
नरग सरग भमतो फिरं
करमां बंध्यो कुजीव,

२१३

एक बुझाई तिसगगी
दूजी तिसणां और,
राख हसी जद भरससी
अनुकंपा रा लोर,

२१४

मूढ़ विस्वा दरसण हुये
फिरषां देवरा धाम ?
दरसण कर निज रा हृय
ओ मनड़ो निष्काम,

२१५

बंधण मोटो राग रो
ज्यायं गज बल पाक,
तिसणां त्याग्यां ओ भरुं
जियां खिरुं फल पाक,

२१६

जावक मुरड़ी निसरणी
दी क्यूं सित्या नाख,
चुरा कांकरो दी गमा
हीरां बरणी साख,

२१७

घाणी रो नारो बण्पो
सबद घाल ली नाय,
मुगत हुसी जद चेतणा
असबद आसी हाथ,

२१८

उठा दीठ देखू जठं
बठं रतन भडार,
के छोडू लेऊं हुई
दोगा चिती लार ?

२१९

सहज उगं बणज्या फसल
तुरत झूठ रा बीज,
उगं न हीरो साच रो
चावं अमरित सोंच,

२२०

तिम्घ्या जका बिदायणा
दिन उगियां बं पूर,
सरय जिकारा गरज रा
गोगो धाजं धूल,

२२१

परम पुरुष सर्यंग धी
रामचन्द्र भगवत,
सोधण सीता नं गयो
पण वानर हणवत,

२२२

डूंगर भार्य हिम चढघो
निज नं मान वितेख,
तालामेली लागी
सुरज सामो देख,

२२३

घटं नहीं कोई अघट
भिङ्घां ठोठ र्घूं ठोठ,
कद लांगी एरण हृघं
सायां घण री चोट ?

२२४

करड़ावण फोनी सर्वं
कनक जको सौ टंच,
जे चाहीजं हार तो
रला मांय परपंच,

२२५

राम करघो संसं दियो
घण नं भूटो आल,
हुई भसम निज में अगन
सत नं दियो उजाल,

२२६

हलः स्पूँ फाई कालजो
घालं उंडा घाव,
लिमावान धरती मिनख
पण तू नुगरो साव,

२२७

करं च्यानणो लाय पण
डरपं बीं स्पूँ जीव,
तागं गमतो रीत रो
चावं अमरित घीव,

२२८

तू जोड़घो प्रभु स्पूँ हियो
चिनीक रंगी फाक,
पूरो बंठा जोड़ नै
पाछो सावलः चांक,

२२६

मोड़ो आवँ रोज तू
कंचं मोड़ो खोल,
जाण घूँभ मे फँक दी
घाबी बँठ टंटोल,

२३०

कार्धे कामल जेठ में
तने सिपालो चीत,
कियां भूलगधो मरण न
मनड़ा म्हारा भीत ?

२३१

नाय जपण रे वासतै
वधूँ छोडघो तू काम ?
जवे जकै श्री राम न
घो रोपघो संगराम,

२३२

फूक दिया दिवलो बुझो
यो धारं प्राधीन,
सूरज कोनी बुझ सकं
जको आप स्वाधीन,

२३३

उड पंखेरु भोकला
आर्य पाछा चाल,
आर्म मे कोनी सकं
कोई आला घाल,

२३४

मोती भिणसी बो हुवं
जिण री निरमल दीठ,
सुन्दर दीसं कद तनं
डूगर दीखं नीठ,

२३५

देती मत फिर ओलमो
मत दे झूठी आल,
काई नाय के जमा
निज री बही संभाल,

२३६

खेल मती सुकर्मोचणी
निज रूप भोला जीव,
रयो रमत में जीव तो
जासी आयो पीव,

२३७

बोध्यो जका न ग्यान न
आ ही देसी सीख,
काई करसी दोठ रो
पकड़धां बग तू लीक,

२३८

रवं फूल में पालङ्घा
पण फल एकमएक,
ज्घूं मंजल रं पंथ मे
डगरघां मिले अनेक,

२३९

माया मिनला र्घूं बडी
माया मायड तात,
परम पुरप री बीनणी
माया री के बात ?

२४०

गाव भलो समझं तने
बात नहीं कीं खास,
पाड़ीसी चोखो कवं
जणा करी विसवास,

२४१

घाय एक सा पण फरक
कर दे छाती पीठ,
कुण कायर कुण सूरमा
मरण कचेडी दीठ ?

२४२

मती कल्पना कर करी
तू निरणं भागूँछ,
छूटली कोनी पछं
जिद नाहर री पूँछ,

२४३

म्हे ढोवां पग काद कयं
माथं पर लो भार ?
निज रं करतब नं कणां
मानं पर-उपगार ?

२४४

सल, सीपटपां दं बगा
समद न रासं पास,
मोती कोनी बाढ दं
पर बो सोरं सास,

२४५

के लेणो के बेचणो
कर सं फडवी त्यार,
रयो गतागम मे पज्यो
ज्यासी उठ बाजार,

२४६

लेता सीवो हर जठं
भेल मूध रो माल,
मिलं न कोडी सिर सटं
मिनखां साहू फाल

२४७

आ'र पड़घो माथं बजर
तनें समझ इण जोग,
खरो उतर तू परख में
सम दिस्टी स्थूँ भोग,

२४८

तुलता मोती ताकड़घां
बोरा हीरा लाल,
बा रं फोड़ा चून रा
मन रो मौजी काल,

२४९

सिस्टी स्थूँ दिस्टी बड़ी
धरती स्थूँ गिगनार,
हुवें मिनख रो के बडो
घों रो बडो विचार

२५०

फिरं पीवणां स्यापडा
भेख मिनख रो धार,
सूतोड़ां रा सांस पी
भाजं फण फटकार,

२५१

धरम आचरण स्थूँ सधै
ओ कोनी परचार,
जडां अदीठी खंल रो
करं मांय परसार,

२५२

समधरमी है हिम-अगन
सागी मूल समाव,
दासं तरवर आकरो
दोन्यां रो ही ताव,

२५३

गगन एक कोनी अलग
हर अणु रो आकास,
दीठं समद अदंत बो
बूदां रो सहवास,

२५४

चांदी स्थूँ चन्दो घड़घो
सोनें घड़ियो भाण,
हीरा जडिया नखत ओ
कुण मोटो घनवान ?

२५५

सुई नहीं कीं काम री
हुवै नहीं जे बेश,
घड़ै बेश में गुण करे
बेशा न अनबेश,

२५६

बघसी यो ही आंक मे
ज्यायं जको गिणीज,
आमा बे अकं गया
आंपडिया अकीज ?

२५७

माटी छांटां ओसरघा
कालो भावल गाज,
पिबजी आया घाणचक
हुई हरी भर साज,

२५८

खोटी मत चिन्ती हुव
चितणिय री हाण,
मन रं निरमल तिरय नं
बदा न करं मुसाण ?

२५६

सींची नीर सनेव रो
मती करीजे चूक,
इया बंर रो आक्डो
सहजा ज्यासी मूल,

२६०

तू मगतो दरपण ऋपण
कोनी दें कीं काढ,
रीम खीज चायं ह्यो
घारा नंण अपाढ,

२६१

दरपण नै ऋरपण ह्यं
सज गोरी तिणगार,
पण दरपण री दीठ मे
जागं न्हों विकार,

२६२

रुत जाती भेला करघा
करसो कामल बीज,
काती मे सामी दिखं
बीं नं आलातोज,

२६३

कलम हुई आगे पछे
लारं हुया विचार,
कलम ठमी आखर गया
आतम रं दरबार,

२६४

अणभव वो आर्घं जको
बगत पडघा पर काम,
कूंची के कोनी मिलै
जद चाहीजं दाम ?

२६५

लोक धरम आतम धरम
अं दोन्धूँ छत्तीस,
सावल मारग समझलं
किस्पो बीस उगणीस ?

२६६

जलम मरण रं जाल स्धूँ
छूटपो चावं जीव,
मत तू करी बघोतरी
राखी संजम सीव,

२६७

फिरं भीड़ मे सोधतो
तू किण नं मोटघार ?
'मं' गमग्घो सहजा ह्यो
यारो येड़ो पार,

२६८

तू चालपो पग मांड कर
घरती भरसी साख,
इया नहीं हामलु भरं
ले उपाव कर साख,

२६९

छोले डील खराद पर
ठोके कील सुहार,
दुरगत स्थूं ही गत मिले
लट्टू सो संसार,

२७०

मकड़ी ज्यू जालो गुंथं
काढ देह स्थूं तार,
माया ठगणी स्थूं रचं
ओ दिखतो संसार,

२७१

रामघणल रो सतलङ्गो
बांघ बीज रो पाग,
बादल आयो बीन वण
बड़ा रेत रा भाग,

२७२

अंध बासना उरवशी
चाह मेनका आप,
ओल्ल विसवामित्र है
धारं मन रो पाप,

२७३

सूरज रं तप बल चढघो
गगन पांगली नीर,
तिलक करघो बिजली समझ
सूंठा हण रं सीर,

२७४

नैण कोटड़ी में बसं
सपनै भेली साच,
अकन कुंआरो आण दं
कद निज सत नं आंच ?

२७५

सहस धार अमरित झरं
के आणद रो पार ?
पण विसग्या नं सत पड़ी
फिरं जं र रं तार,

२७६

घुमा चकरियो वेग सूं
थिर ज्यूं दिखसी चाल,
करं अयग यितप्रग करम
दोसं पड़पा निढाल,

२७७

यगत वगत री बात है
कुण राजा कुण रंक ?
पड़ी ठोकरां घूल री—
आमं चढगी खंल,

२७८

सायल सबड़ी राबड़ी
पाड़ी मती सपीड़,
मत कर घणां सुयादिया
देसी काल गदीड़,

२७९

घारं घर रं आंगणं
जड़िया रतन हजाद,
तनं दीखसी भोत्तिया
कचरो नाल बूहाद,

२८०

दीठ नहीं तो सबद है
कलम चिड़ी री बीठ,
मत कर कालो बापरघो ,
धोलो कागद नीठ,

२८१

ऊबो जठे अगूण है
सिरषयां बो आयूण,
आगे पाछे पग बियां
भुंवे गगन री भूण,

२८२

गाठ खुल्या लांबी ह्रवं
ज्यूं उलझोड़ी डोर,
मन री गांठां खोल तू
डीघो बणती और,

२८३

गाँव जठं गेला बठं
दुकसी छेकड़ धाप,
समद नहीं नूतं नदधां
भाजी आवं आप,

२८४

अगन घघफतो न्यावड़ो
घट री फाची देह,
घिन कुमार री कालजो
करं न आपो नेह,

२८५

जीवण कद निज में मजल
ओ तो मारग जीव,
आसंगा बँठो तकं
इया न आवं सीव,

२८६

छात गगन भू भागणो
सजम री मुख सेज
पोढं बो हो राखती
आतम मणी सहेज ?

२८७

धुकती लकडी एकली
कोनी पकडें आग,
समघरमी सागें ह्वया
जागें राग विराग,

२८८

तपे अघेरें मे दियो
निरभे मन नें साघ,
अमुर होलका गोद मे
बंठो ज्जू परत्ताद,

२८६

बिना पात्र जोगी हुयां
निरयक देणो घोघ,
सिघण रै पय वासतं
ठाव कनक रो सोघ,

२६०

चार्य करणी साधना
मत धारीजे भेल,
रह तू सहज अभेद बण
भेद बडावं घंल,

२६१

चिणगारी कोनी सकं
लगा लौह मे आग,
काठ हियं सूती अलख
परस्यं ज्यासी जाग,

२६२

कोनी कौ पल्ले पडे
कोई नै आराध,
अवल सरीरा ऊपजे
निज भातम नै साध,

२६३

ध्यान ध्याण रो मत्र है
घूटी कोनी ध्यान,
ध्यासी बो ही त्यागसी
परिग्रह नै विष मान,

२६४

पुरपारथ बो ही करम
जीतं जको विकार,
निरवरती भातम धरम
परवरती ससार,

२६५

गोरख धंधो समझ जे
तू छोड़घो संसार ?
फेर लगायो पंथ रो
बधां न टंटो लार ?

२६६

मोह भुगत मनड़ो हुवं
खिण खिण राखदा जाग,
धित प्रग बण अभ्यास रूधू
मतें विणससी राग,

२६७

बजर मान नारेल रं
हिय मे करुणा नीर,
पोखं आखी जूण नं
संवेदन री सीर,

२६८

निन्दा सुण ज्यावं चिगर
जस गाया पोगीज,
कठपुतलो बो बापडो
निज पर नहीं पतीज,

२६९

पोया ढोया ग्यान रा
कोनी हुवं उजास,
जे तू चावं च्यानणो
निज रो दिवलो चास,

३००

मत इनरघा नै रोस तू
अं जाबक निरदोष,
यारो बंरी अलख मन
बीं रा भींटा कोस,

३०१

भाय भूप री पालकी
ढोवें सबद कहार,
मिल राजा स्थूं मूढ क्यूं
फिरं कहारां तार ?

३०२

डाल पान में उलझ मत
जाणघो चावें भेद,
मूल पकड़ ज्यासी समझ
सत है एक अभेद,

३०३

मन री बाँबी में पड़घा
मिणघर सरप अनेक,
अटकलु स्थूं मिण से सकं
जिण में सहज विवेक,

३०४

तप करती भेली हुसी
उरजा आपो भाप,
बर्ण बिन्द्या उपजोग बा
दुरवासा रो शाप,

३०५

समद मध्यो जद नीसरघो
अमरित सागै जँर,
जद का जूझँ सुर अमुर
कोनी निवड़घो बँर,

३०६

जाबक काला कोयला
करती सित्तग उजास,
उरजा बणसी वासना
तप री तूली चास,

३०७

नाहूँ सी कीड़ी भरें
जद बटको चींथोज,
दाबी मती विचार नें
डस लं लो पीड़ीज,

३०८

छोड़ कोनी ठौड पण
कियां उडें आ आंख ?
घणी अचपती दीठ रो
कोनी दीस पाख,

३०९

आसी परणन नें तनं
मरण फूठरो पीव,
हयलेवं री वगत पण
मती लकोई जीव,

३१०

राम नहीं रायण नहीं
अँ विचार रा नाव,
एक सुबुध दूजो कुबुध
बाल्यो निज रो गाव,

३११

जाबक नाहो काकरी
नीर गहन गभीर,
पण मत फँकी पीड स्थू
सगला हुवं अघोर,

३१२

बडा हुवं मा नँ नहीं
निज बडपण रो मोद !
मोती रो मँ भावडी
नहीं सीप नँ बोध,

३१३

अपग हूवे सत कद मडे
भोला उण रा खोज ?
बघूँ निरवक भमतो फिर
सत अंतस मे सोझ,

३१४

करं नहीं ज्युं रूप नं
बिम्बित आंधो काच,
बिनां हृषां निरमल हियो
कद अणभूतं साच ?

३१५

भुगती रो गेलो नहीं
बंधी बंधाई लीक,
बठं पूगसी संत बं
चालं जका अलीक,

३१६

बाय घाल ली सबद रं
बणग्घो सबद बलाय,
सिघ अपड्डियो स्यालियो
जे छोर्ड तो खाय,

३१७

चावं वेणी साच पर
जे तू थारी द्याप ?
साच सिरक ज्यासो परे
बा कद सर्वे घिणाप ?

३१८

ममता में समता बणा
अनुकंपा मे जाग,
जणा समझसी जीव तू
काईं राग अराग ?

३१६

घणो गहन आतम धरम
पूगं बठं अमेद,
दीठ साध लं लोपसी
बो खिण सगला भेद,

३२०

हेला मारं भजल नं
घरं न आघो पंड,
सवटीजं गेलो नहीं
इंया हुयां स्पू एंड,

३२१

मुगती इंधं जीय जे
कोनी छूटघो राग,
विणसं इच्छया बीज जद
उगती हियं अराग,

३२२

ममता त्यागं पण ह्रुवै
निरमम कोनी संत,
वीतराग रो अरथ ह्रै
करणा सिन्धु अनन्त,

३२३

ह्रुवै न जिण रं हेत में
रंच सुवारथ गंध,
मिन्तपणं रा पुसब वं
सांसा बसें सुगंध,

३२४

नहीं तूंतडं मे धलं
ज्युं काढपोडो धान,
बिया न पाद्यो बावडं
बचन कपोडो जाण,

३२५

जुड़े नहीं ज्युं छल स्युं
एकर भड़ियो पान,
बियां न फाटघो मन मिलं
निरयक खेंचाताण,

३२६

हेम कांचली तावड़ी
धानी साड़ी खेत,
बण ठण बंठी गोरड़ी
मारवाड री रेत,

३२७

आड़ावल माथं मुगट
चामल गल रो हार,
जंसारण पग रोपिया
मारवाड मोटघार,

३२८

माथं अंबर मोलियो
काथं सूरज ढाल,
सू रो लपको टोरइो
मरुघर मरद मुंघाल,

३२९

रवं कुअं रं मांय नं
जियां कुअं रो छांव,
बियां मतलुथी मिनल रं
भवं न बीं रो गांव,

३३०

रात डायड़ी बगत रो
आंचल ओलं ले'र,
सूरज रो दिवलो चढी
फेरुं गगन मंडेर,

३३१

देस नहीं मरुदेस तो
मूगमद जिती न गन्ध,
मुरसत रँ भडार में
दूहै जित्यो न छन्द,

पांच महाव्रत

अहिंसा

जे में मारुं, सामलो
हणसी म्हारा प्राण,
नहों अहिंसा आ जको
उपजै डर रै पाण !

ओ सरीर रो धरम है
कोनी तत रो ग्यान,
जको जीण रो वासणा
परतख हिंसा जाण !

थकां सामरथ छोड दे
जद विवेक सू राग,
जुड़ै अहिंसा अभय सू
बो है सहज विराग ।

खमा भाव आतम धरम
अनुकंपा में मूल,
दीठ हुयां अतरमुखी
कुण कांटा, कुण फूल !

सत्य

मुगत दीठ राखयां बिन्यां
कद अणमूतें साच ?
परतल करसी साच नें
अनेकांत रो काच,

कियां अकय नें कय सकें
सबद बापडो घूत् ?
सबद मोह में मत पडो
भारग ज्यासी भूत् ।

साच दूध पण काचरी
मन रा मिनल विकार,
दही जर्म बुध रो हुयां
अंतरमन अधिकार ।

अपरिग्रह

परिग्रह भूत विकार रो
संचं मोटो पाप,
तिसणा स्यू तिसणा बंधं
! कोनी आवं घाप,

करं काल री चितणा
मती काल नं भूल,
खिण स्यू आगं सोच मत
खिण है साच समूल,

चावं भुगती जीवतो
कर निज नं निरलेप,
लोभ कतरणी मत चला
सिवं जतो ही नेप !

अस्तेय

तिसणावश जे मिनख लं
वनफल नं ही तोड़,
या चोरी खिण में बंधं
करम चीकणां कोड़,

नहीं दरब सू भाव सू
सार्गं चेतण आल
तत पाचां नं सेव कर
आडी संजम पाल,

मन सूं ओलं रह सकं
चोरी कोनी जीव,
पडघो अंधेरं मे रवं
छानो कदं न घीव ?

ब्रह्मचर्य

मुख ही दुख रो बीज है
मन आसूदो खेत,
मत बो पडसी साटणी
मिनख वगत सर चेत,

जे चाखे इण खेत मे
निपजं परमानन्द,
घिरमचरज स्पू बाध दें
उरजा भाडो बध,

घास फूस कोनी बध
कोनी चढे निनाण,
रम आत्म मे जीवडो
ज्यासी बण भगवान !

